

光緒重修安徽通志

重修安徽通志卷一百九十二

人物志

宦績十五

池州府

劉光復字建初青陽人父織以理學名光復登萬曆戊戌進士知諸暨縣縣介萬山間而七十二湖處其下流光復相度地勢壩麻溪導七堰築長圩開新江水旱無虞且置義田以備賑立義冢以掩骸停喪溺女諸弊一切革之擢御史巡按山西以挺擊事入對慈甯宮忤旨繫獄光宗立起光祿丞卒贈太常寺少

卿

浙江通志
江南通志

鄭三俊字用章建德人萬曆戊戌進士知元氏縣擢禮部郎中歷光祿少卿陳中官侵冒六事時魏璫客氏用事摘其語欲重

罪之以閤臣力爭免擢左僉都御史疏陳兵食大計遷左副都御史上疏極論璫權楊漣等既逐三俊引疾去旋褫職閒住崇禎初起南戶部尚書兼吏部因京察澄汰魏黨上議官評杜請屬愼差委三事帝皆採納考績入都畱爲刑部尚書加太子少保晉吏部尚書數引薦賢士之廢斥者舉李邦華劉宗周自代乞休歸

明史本傳

丁旦字惟寅貴池人以貢授衡州府通判卻例金釐宿弊修社倉義學少師事李呈祥私淑王守仁與衡士人講學不輟督餉至武昌以勞卒以子紹軾相熹宗累贈武英殿大學士

湖南通志

南通志

畢一範字一衡鏘仲子也以蔭歷戶部員外郎疏請罷中使交廣采珠不報遂棄官歸

池州府志

羅尙忠字孝可青陽人萬曆癸丑進士知平湖縣爲政清簡執法不撓北白南糧陋規洗刷殆盡又捐俸立義田置義冢以艱去起知建昌治如平湖擢給事中疏請復建文年號卹遜國諸臣雖未允行眾議壯之遷太常寺少卿卒

平湖縣志
江南通志

王建和字乾純貴池人萬曆癸丑進士知龍泉桐柏二縣擢南刑部主事歷知永甯府屬邑旱澇不均勘災輕重力請蠲緩民困以蘇崇藩戚晚鍾振家倚勢恣行有司莫敢問建和白於王申之學使者窮治其罪一郡稱快累遷湖廣參政致仕歸

一統志
河

南名
宦

孔貞時字中甫建德人萬曆癸丑進士選庶吉士授檢討與弟貞運編纂六朝章奏有足兵足餉諸議時皆服其精當元宗熹宗相繼卽位一時詔令表冊諡議之文多出其手以積勞成疾

卒

江南通志

孔貞運字開仲建德人至聖六十三代孫萬歷己未進士殿試

第二人及第授編修

按太學題名碑榜句容籍建德人

充經筵展書官纂修兩

朝實錄崇禎初進講述祖宗勤政講學帝嘉納之擢祭酒進少

詹仍管監事帝臨雍以聖裔故賜一品服畿輔被兵上禦敵城

守應援數策以艱歸起南禮部侍郎遷吏部入內閣溫體仁欲

窮治復社值其在告貞運從寬結之又揭救鄭三俊錢謙益以

事引歸莊烈帝哀詔至貞運慟絕不能起遂卒

明史張至發傳

徐廷宗字季曾建德人萬歷己未進士歷荊州廣平推官俱以

明允稱累擢工部郎中監修九陵督臨清輦廠遷山東副使備

兵臨清以事忤上官歸

江南通志

姚士儒字以實貴池舉人中明通榜累官戶部主事卒同列十

六人劾魏璫幾罹不測歸

池州府志

汪廷春貴池人以古田簿擢知縣有惠政嘗建湯壽橋後古田

民刻像祀之改橋名曰汪公橋

池州府志

陳忠字大本石埭人官敘州府經歷以征九縣蠻功擢南溪知

縣遷學宮於吉地丈田畝均里甲遷通判與征松潘馬湖苗洞

皆有功升山東鹽運司同知致仕歸

池州府志

馮時來字叔乘建德人萬曆時以舉人知江安縣爲治廉靜土

番來寇時來集民兵嬰城固守賊不能下以疾歸

池州府志

陳久可青陽人以貢授武昌通判理商稅及額而止中官陳奉

以監稅至楚肆虐激變久可極力調護事始解士民德之致仕

卒年九十

江南通志

吳一元青陽人萬曆中以貢知星子縣有不便於民者必力爭

之中官李道以監稅至江西所過騷擾一元力與之抗道怒誣以撓稅被逮邑民詣闕申辯得釋天啟初贈尙寶少卿一統志

桂應蟾字九嶙石埭舉人授衡州府推官治獄詳慎出死囚四

十八人葺石鼓書院以課士同邑沈世選字元功以副貢官絳

州同知嘗卻額軍銀八百兩除巨猾之爲民害者民祠祀之一統志

池州府志

姚士嘉貴池人官北城兵馬司指揮奄人索詐民財執法懲之

置義冢安定門外路無暴骸都人頌焉出判桂林請豁興安浮

糧築各屬塘堰後署府事加意修舉會城八桂堂其所修建也

池州府志

桂早馨字儒徵貴池人萬曆時以歲貢任定遠教諭歷官楚王

府長史王與宗人不睦早馨言宗人雖不善在祖宗視之一體

也王以祖宗之心爲心固宜曲全之矣楚王感悟後辭歸王書

清端良輔四字贈之

池州府志
貴池縣志

陳以運字時可貴池舉人知新淦縣治尙廉靜獻賊寇江右郡邑殘破淦獨以堅守得全升邵武府同知遷池州左兵東下以

運城守無虞

江南
通志

江大任字是人建德舉人知恩平縣招集流亡給牛種墾荒田千餘頃革里役屏陋規山賊勢張甚將犯恩平大任誘降其渠

魁眾悉解散新學宮興文教邑士始有登科者遷南甯州牧

江
南

通志

孔貞會建德人貞運弟也以貢授汝甯通判署固始縣土賊鄭貴邱二毛踞蔡溝眾二萬貞會以計降其黨令縛二賊渠以獻

賊西潰復合九曲賊八大王者勢復張貞會與戰斬八大王土

賊遂平浚濠塹築城樓流賊來攻不能下熊文燦檄爲監軍升

湖廣按察司僉事明亡歸里卒

池州府志

張懋鼎字乃調銅陵人以貢歷官郎中釐漕運積弊淮揚荒請以麥代米浙江荒請以紅糧代白糧俱大爲民便時所在用兵餉每不給懋鼎籌畫頗多便宜擢陝西按察司僉事備兵肅州撫服羌夷

大兵定陝右懋鼎歸耕不出

池州府志

馮良琛字獻子東流人歷官襄府左長史以禮法佐王民閒田畝爲王府侵占者悉反之胥吏恃藩勢擾民者悉置之法朝論

嘉之

池州府志

桂自馨字道徵貴池舉人官旌德教諭升安義知縣市人以大小秤出入欺詐自馨酌爲定式市廛不擾後遂名爲桂公秤

貴池

縣志

施臺臣青陽人天啟壬戌進士知龍巖縣紅毛入寇躬被甲胄督民兵逐之邑賴以全邑多逋賦時需餉甚急臺臣爲去其羨

一月而積逋悉清

池州府志

施承緒字孺翼青陽人崇禎戊辰進士由應天教授歷南戶部主事監倉稅以清介聞遷郎中出守漳州稱廉平調南康平彭蠡湖劇賊卒於官郡人立祠祀之

江南通志

胡士瑾字文瑜貴池人崇禎庚辰進士知烏程縣緩征弛役民以不困以艱歸適左兵東下士瑾力佐城守甚力鄉里德之

池州府志

府志

方學聖字振林貴池人崇禎癸未進士知秀水縣有鄉宦女杖殺其婢人多請貸不從竟以女抵罪又有一任子索逋而奪其

婦爲追還之捐資償焉明亡棄官歸

池州府志

史諫字信廷貴池人以貢授桐鄉訓導歷知印江縣均丁徭廣

虞額抑强弁靖苗氛以老歸卒年九十

池州府志

沈繼周字思兼石埭人官富順主簿司權鹽井卻陋規絕私販

鹺政以清流寇數萬圍城值邑令身故繼周親率壯勇晝夜登

陴捍禦城全而身以瘁卒

池州府志

徐中斗字建伯青陽人以貢歷永興知縣恤民愛士升鎮南州

同知永興至今祀之

池州府志

國朝羅雲遠字遠伯青陽人順治丁亥進士知太谷縣分校鄉闈

稱得士多惠政百姓德之

江南通志

徐士儀字伯羽建德人順治初

大兵下江西委知南康有以逆命訐者焚其詞反側皆安羣盜聚

山谷肩輿往諭之盜皆解散南康大治以艱去起補黃州平西

山積盜設義倉隆學校擢貴州按察司副使遷布政使參政苗

民帖服致仕歸卒年八十一

池州府志

朱正源字靜一貴池人前明時官永平通判

國朝順治初起廢隨征浙江收各郡以勞授浙江按察司副使整

飭溫處水利道築海塘數百里以艱歸

大兵征福建復調至軍前署福建屯鹽道

池州府志

湯之紀字肇修石埭人順治中以拔貢知汝上縣時土寇未靖

之紀諭以大義羣醜輸誠良民獲安以剛執罷官囊無餘資圖

書數篋而已

石埭縣志
引汝上志

陳邦簡石埭舉人順治十四年知長甯縣待士有禮治民有方

催科無苛政而賦自辦以刑罰責人人皆不怨頑梗者多化而

遷善云 廣東通志新増

汪自潤東流人順治中以選貢知絳縣為政寬平居官九載訟

息民安擢行人未赴卒 江南通志

陳鎰字孟起石埭人順治乙酉舉人官江陰教諭兵燹後自大

成殿明倫堂外不遺寸椽鎰偕諸生經營相度復還舊觀有豪

猾欲中傷某生餽金三百鎰正色拒之遷興縣知縣 江南通志

柯仲實字在中貴池人以選貢知新城縣為政廉靜革耗羨以

勸輸將無催科之擾修學宮創義學擢開州府同知嚴設保甲

以弭盜賊又濱河設舟以救溺置義冢瘞亡者民立祠祀之 江南通志

通志

蘇汝霖字潤生石埭人順治壬戌進士授甯波府推官長於聽

斷時征舟山有轉餉功駐防兵與郡民構隙片語折之皆感服

擢刑部主事歷遷廣西提學僉事康熙十三年叛帥孫延齡據桂林脅汝霖索印峻拒之懷印走赴廣督軍前兼蒼梧兵備道隨軍進剿尋署廣西布政使以瘁卒官

一統志

余繼益銅陵拔貢順治十八年知瀘州在任六載應付東征糧餉備歷辛勤凡有裨地方民生者俱殫心爲之

四川通志
新增

張國柱字斯石石埭人以貢歷知唐縣歲饑盜起賑緝有方民賴以安革陋規創義學擢雲南趙州知州輕刑薄稅升戶部員

外郎

江南通志

徐文烜字龍山青陽人髫時能誦史記杜詩全部順治戊戌進士知太原縣卓有惠政

江南舊通志

章世德字天彝貴池人康熙壬戌進士知南平縣縣素苦里長當役世德至卽除其累值編審悉豁虛丁縣治及城外浮橋皆

所修造卒官獄中梟囚有哭失聲者梟還日百姓哀號遠送一統志

余汝霖銅陵歲貢康熙時任舒城訓導課士有方新學宮葺試

院修縣志年八十三卒官棧歸送者布路

廬州府舊志新增

李錦字念先東流人以貢任諸暨縣丞升新昌知縣寬平待人

清潔自勵民立祠祀之

池州府志

程璵字以長貴池人康熙丙戌進士知樂至縣革陋規勵清操

始終如一民愛戴之

池州府志

曹文蔚字仙霞貴池人官汝甯通判康熙二十一年楚北兵餘

黨煽亂汝甯計擒其魁乃悉解散署真陽蘭陽二縣有賑饑修

志代民賠河帑諸政以艱歸起補德安通判督修河隄具有經

畫

江南通志

柯棟字壯侯建德副貢知洋縣清慎愛民調華陽招募開墾亦

著能聲

池州府志

吳彝字七雲青陽人康熙乙酉

上南巡襄以諸生

召試一等癸巳成進士改庶吉士授編修雍正時歷侍講任順天學政
遷侍講學士疏陳學政事宜三事下部議如所請課士之餘畱
心利弊疏陳淦水事宜請設河員啟閉又請停冒籍改歸之例
俱蒙

採納晉禮部右侍郎擢本部尙書兼管左都御史事務卒

賜祭葬謚文簡襄受

兩朝寵遇屢充

國史治河方略詩經集說纂修官又充明史八旗通志總裁官以

榮名終士林豔之一統志

池州府志

謝紹仁字希純銅陵舉人知義峴縣兼攝宜賓減雜徭雪冤獄

平敘州叛蠻以艱歸起補光澤縣歲饑發賑全活萬餘人雍正

十三年奉文清丈軍田力為請免擢戶部主事監督倉儲以廉

幹稱光澤人立祠祀之一統志福建名官

陳哲字叔元銅陵舉人知武陵縣請豁洞庭湖濱宿郎圩已坍

無著之糧調和鄉縣事有不便民者奉上官嚴督亦不肯阿附

歷署武陵龍陽諸縣所至有聲以艱歸起補清遠調歸善以卓

異升甯州知州歸善立祠祀之湖南通志池州府志

章永祚字錫九貴池人世德子也以舉人知清澗縣縣多流亡

逋賦招集撫綏勸以耕種民漸復業又行編審法以蘇徭役修

學宮以課士子時用兵征額魯特委以解餉馳驅鞅掌期不誤

而民不擾歷升都水司主事清理河帑積弊頓除以乞養歸

池貴志

王應文字炳漢東流人以選貢授太和縣教諭值河決豫省議開太和清泥淺以洩項陳沈鹿積水應文抗陳利害得寢升知

黃安歷建昌通判

池州府志

鮑文燦貴池人雍正初官綏甯典史擒獲逆獠蒲寅山復平叛苗以軍功升新涇巡檢

湖南通志

蘇玉禾字甘農石埭人以貢署天門同知地濱大河時苦衝決

玉禾整理圩圍以時蓄洩不避泥濘風雨之勞卒於官百姓哀

思勿替

池州府志 按天門係湖北安陸府屬縣同知字疑誤

楊國幹字固亭建德人雍正初以孝友端方保舉署鎮海臨安

二縣調知臨海案牘繁劇總理裕如卒於官囊無餘資百姓立

祠祀之池州府志

吳兆雯字和叔襄之子也雍正甲辰進士改庶吉士授編修充實錄入旗志明史纂修官乾隆壬戌

特旨命翰林科道日進經史條陳兆雯按切政務民隱敷奏俱蒙

恩鑒以疾歸池州府志

姜繡字斯才貴池人由三禮館議敘授章邱縣丞升知汶川縣以滇省軍功升合州知州隨營辦理金川軍務護建南道督催糧餉稽查臺站卒於三松坪奉公盡瘁咸悼惜之池州府志

吳濤字不波青陽舉人知樂陵縣修明倫堂築隄禦古高鬲馬頰二河水患以息所著有捕蝗條議青陽縣志引樂陵縣志

何鳴謙字寅恭青陽拔貢知蓬萊縣禮士愛民折獄明敏發粟救災不俟報可升沁州知州屢署府篆後補吉州查辦丁田歸

一之案悉心裁酌以勞卒官

池州府志

吳翹字羽堯青陽人雍正時由孝廉方正授刑部四川司主事

凡蜀中疑獄悉力參酌秩滿告歸

池州府志

何天衢字昌馭貴池人雍正時由孝廉方正知南安縣著廉能

聲調天柱適叛苗犯黃平州密邇天柱部署戰守苗知有備而

去以勞卒官

池州府志

陳基仁字義先青陽人雍正中官屏山縣典史捐資修學闢黑

字路設馮陳渡創馬湖船又隨烏蒙軍營以勞動加銜子廷貴

官宣化典史得民心升沙城巡檢祀名宦

池州府志

李幹齡字成侯建德人雍正丁未進士授廬州府教授訓課約

束士風丕變詳陳河務及郡中積習學宮規條上游獎許歲饑

委賑條理周密民沾實惠

池州府志

沈亮字若采石埭人由歲貢任含山教諭以培植人材爲己任鼎新學宮歲饑佐賑務步行村落與飢民雜處全活無算疫死者爲之棺斂升甯國府教授含山祀之名宦

池州府志

江周開字宗聖青陽舉人知樂安縣愛士勸農有循聲同邑王大任字事舟以舉人知宣平縣後補壽張稱廉明濬河緝盜具

見肇畫

池州府志

徐名標字天錫青陽人官永昌典史有大吏掾來邑虐民懲之以法大吏避之以捕盜功升江都知縣時理賑務流民畢集計口給糧至明年仲春飢口轉增名標謂民應歸農議預支十日糧爲歸計遂散去及令丹徒京江湖畱岸崩沿江民多死喪詳請賑卹並請沙田之坍塌者豁其稅歷升松江知府以滇南軍務需人往署廣南鶴慶府知府參贊軍儲且多惠政民夷安之

池州府志

柳世恩字南池石埭人官濟陽典史襤被赴官一僕隨之布袍
蔬食毫不私取委查登充庫帑清釐無隱不許不私升卽蠲主
簿歲旱悉力辦賑多所全活又升淇縣丞督濬河道亦著成績
每一移任百姓如失所依在充時力白一僚友之誣後家居其
人來訪以百金爲壽固卻之曰白冤公也報謝私也池州府志
吳澍字鴻聲青陽人以薦授州同知署全州判代理州事善折
獄後署陽湖知縣乾隆二十二年

上南巡恪共差委引

見行在賞賚有加一時榮之池州府志

桂忞坤字鏡臺貴池人由部掾爲九江西安幕官攝邑篆善折

獄獲鄱陽湖逋盜以敏幹稱池州府志

章孫虔貴池貢生授英山縣訓導新學校邱寒峻課士衡文不異家塾同邑朱應敬以貢授潛山訓導實心造士尤邱寒峻門人貧不能娶者助之又捐俸修學宮文星閣清學湖壩士民懷

之

池州府志

杜宗鶴貴池歲貢知高要縣靖亂安民興學平獄甚有政聲同邑杜蘭以舉人歷知新都綦江二縣乾隆初升蘇州知州調霸州督理營田兵餉清理河道著有勞績

貴池縣志

杜最字軍上貴池人以教習歷知祿甯洱知縣潔己愛民升行人署普洱府事護鎮守雲南普洱沅威等處總兵印乾隆間遷普洱府分防思茅同知所至並有循聲

貴池縣志

葉天奇字喬宇貴池人援例授黔江主簿攝縣事歲饑先捐資以濟隨請發賑有士人兄弟爭產者召之令讀棠棣詩相顧愧

悔又請大吏奏免積欠數萬士民德之以病歸送者遮道

貴池縣志

曹麟開字補我貴池人乾隆閒由選貢舉人充景山教習知黃

梅縣懲猾吏鋤刁健嚴江防善決疑滯案無畱牘暇則與士人

講學賦詩升正安州知州旋以黃梅任內好士失察謫戍庭州

襄勇伯明亮延爲記室請疏天山積水以溉民田民深德之後

明亮征苗征匪皆招致戎幕資以運籌以病歸子穀貽以選貢

任臨淮訓導有文名

貴池縣志

姜蟠甲字輔堂貴池人以貢授蓬溪縣鹽大使署巴縣丞會金

川不靖委辦軍需敘功歷知中江涪州等事所至俱著循聲後

知銅梁縣卒於官

貴池縣志

何文炳字念勳青陽舉人任盱眙教諭奉委查災捕蝗辦賑有

功升甯鄉知縣縣界萬山中多虎患文炳作文禱神虎遠逐又

創書院請增學額士民立祠祀之

青陽縣志

鮑鳴鳳青陽人知海鹽縣城河湮塞鳴鳳創議開之越五月而工竣紳士繪圖以紀其事修海塘開永安湖溉田數千頃眾暨石曰鮑公隄調臨海臨患山水衝決乃鑿石自青龍頭一帶捐

廉修築臨人刊碑以志不忘

青陽縣志

吳名烜字澹圃青陽舉人歷官保德州知州升惠州知府政治廉明民咸愛戴以老乞歸惠州祀之於惠陽書院配享蘇文忠

青陽縣志

縣志

陳憲章青陽人官激浦典史平易近人與民如鄰人亦忘其爲尉也邑創建廬峯書院力爲區畫經理實賴以成乞養歸士民祖者載道立碑紀之

青陽縣志引激浦縣志

王懿修字春敷青陽人乾隆丙戌進士改庶吉士授編修直

上書房累升侍講學士遷詹事府少詹引疾歸旋丁內外艱服闋
赴京候補復以病發請假嘉慶元年

高宗純皇帝舉行千叟宴懿修與焉蒙

賜御製詩刻玉杖文綺等物病痊補通政司副使升內閣學士兼禮部
侍郎累擢都察院左都御史晉禮部尙書充

上書房總師傅十四年恭逢

仁宗睿皇帝五旬萬壽慶典加太子少保十八年蒙

恩以原品休致二十年懿修年八十

特賚如意文綺筆墨等件二十一年卒

賜祭葬諡文僖懿修學問優長充會試及順天鄉試同考官各一四任

鄉試主考三任提督學政一充會試正總裁所取文章理醕義

正原本六經無不服其衡鑑

青陽縣志

蘇文輔石埭人以貢官晉甯州知州民苦封樹採果之累文輔以樹皆枯報而捐俸代買以供上官升潼川知府所屬鹽亭縣以訪獲邪教報將加除剿私往察之則僅供像誦經無他跡遂稟白其冤杖責遣之治獄不輕用重刑而民自輸服奉調入都以軍需孔迫回任總理糧餉卒於官士民哀泣如喪父母石埭縣志朱鎮字殿邦建德人以優貢教習知蓬萊縣值旱禱雨立應東省祲惟登萊熟議發萬人輓粟移賑鎮力請截漕以濟役得免調治滕開倉賑饑不待報漕渠淤決靡常建閘疏流百姓歌之曰我公之澤靈河流液蓋紀實也以艱歸起攝齊束蝗蟲傷稼前令未報鎮力請得蠲稅十之七及前令回任又以微漕釀變大府令鎮往民羅拜曰吾父來矣時已補武城民請畱一年及去醵五千金爲贐力卻之武城漳衛交衝隄決西南冒雨堵築

買舟救溺設廠煮粥糜急求賑濟加功一等又以艱歸起補沛縣僅四十一日決訟二百有餘卒於官滕民聞而聚哭祠祀之

建德

縣志

袁燦青陽舉人官海州學正奉委散賑沿戶而給不假胥吏手

民沾實惠

青陽縣志

陳其名字予聞青陽舉人知平谷縣有善政囹圄空虛蝗不入境辛亥辦理

御道行宮悉從樸素

高宗純皇帝喜其儉約

召見褒嘉蒙

賜宮緞荷包後署昌平州事

青陽縣志

徐蔭昌字晴楚建德舉人知延津縣興利革弊以培養為先務

建德

縣志

延津縣志

官貢

官貢

延津縣志

延近黃河向來防險運料派設車徭延民苦之蔭昌爲力請獲免聽訟公恕行刑從輕以艱歸起補靈川有廉名多惠政卒於

官士民聚哭爲立墮淚碑

建德縣志

張軒字鳳翥建德貢生授成都通判適內江桀黷盈積委攝清釐滯獄頓空又值兵興軍需旁午籌辦裕如倡優養良家子悉奪歸其父母遇旱步禱輒應攝雜谷理番同知番性獷悍爲立鄉校捐膏火馴以教澤俗漸轉移會檄調番兵譁然震恐軒召集土司懇切開導厚給糧餉始定尋知潼川盜結鹽匪滋事嚴保甲練義勇在苻解散所至學宮書院橋梁道路無不修葺以

艱歸卒於家

建德縣志

王恭修字春晚青陽人官鳳翔縣丞歷署縣事在渭南擒賊首高均德黨翼竄散在大荔修建學宮文昌殿立義學以修文教

在涇陽設粥廠以濟災黎修龍洞渠以資灌溉升商州知州卒

於官

青陽縣志

鮑振飛字鷺江青陽人知桃源縣嘉慶初湖北軍營需米甚急遠取於江東諸邑時振飛奉委稽查賊匪於漢口見米艘數十號遂率商解赴營前軍餉頓裕卽擢武岡州知州升慶遠同知

署潯州府事

青陽縣志

徐大受字小峯青陽貢生授巡檢署板閘司獲逃犯數人保舉河工効用工竣會鹽城火災奉委查賑沿戶親給無濫無漏後知平谷縣署易州州同以病歸卒於家

青陽縣志

李英號鍾山石埭人嘉慶十四年知桃源縣邑有漳江書院廢且百年英捐俸修建於縣治之西名曰沅南鎮江渡險惡溺人捐金倡造長舸十二置義田爲歲修費行旅便之呼爲李公渡

以弟建昌少尹芳卒哀泣成疾未幾亦卒

石埭縣志以上舊志

袁世信字煇齋青陽舉人以明通榜歷任廣西岑溪荔浦修仁知縣興學勸農善政多著犵人感化猛虎出境調署永安州卒

士民醵金歸其櫬

青陽縣志以下新修

王宗誠字運府青陽人尙書懿修子乾隆庚戌一甲三名進士授編修歷官禮部工部侍郎工部尙書終兵部尙書兼順天府尹皆能舉其職歷任河南山東江西學政優賢愛士然遇弊必發不稍受私謁道光八年回疆戡定

宣廟御午門受俘宗誠以兵部尙書循例組縛逆酋以獻禮成得越等褒賞十七年卒奉有清勤端謹克盡厥職之

諭賜祭葬如例

國史有傳宗誠既早取甲科歷任清要父子同朝極優渥之遇又

屢典鄉會試門下士多顯貴而謙牧自處未嘗一出言舉足失

先於人著有紅杏山莊集四十卷

程恩澤遺集先正事略青陽縣志

朱敦純字耀如建德人乾隆壬子副貢任桐城教諭升知縣歷官山東陝西福建其在陝西商南也河南盧氏賊掠及縣境團鄉兵固守得免荼毒歲旱奸民滋事按誅其魁倡捐助賑共萬二千六百餘金戶查口給實惠及民事竣優敘在孝義有匪徒煽亂剿平之並撫卹難民事聞

諭曰邪教糾黨焚掠甫經起事卽被地方官弁兵民協力擒拏一二日閒辦理淨盡所保全者不可勝計殊爲可嘉等因卓異加級候升在西鄉遇冰雹災捐錢撫卹在福建尤溪修朱子祠葺學宮除一切陋規生平折獄精敏慮囚矜慎尤嘉惠於士林

建德縣志

章廷鈞字澄溪銅陵舉人乾隆中官四川隆昌知縣焚淫祠誅

巨盜興學勸農修城捕蝗類多實政

銅陵縣志

周悌字敬亭建德人嘉慶己未進士任山西鄉甯知縣裁汰陋規獄無畱牘有周青天之稱署曲沃疏決城濠升汾州府同知卒官貧難歸櫬遂葬汾州祀名宦

建德縣志

方熙字友山石埭人嘉慶中官山東布經辦館陶軍需善後出力以應升之缺升用道光初獲鹽梟胡大成等二十九人於江南海州兩江總督孫玉庭奏保知州升用署夏津知縣補平度州知州在任七年政簡刑清憂歸起選山西渾源州知州四載蝗不入境時東三府水災平度尤甚熙念舊治捐廉千金解東備賑事聞優敘升山東青州府同知調武定濟南皆有政聲年六十卒官

石埭縣志

章朝敕字菊人銅陵人道光壬午進士官奉天海城知縣建義

倉調承德縣平反冤獄升遼陽知州振興學校岫巖廳災賑不
中程民弗靖檄發卒捕治朝敕請獨往懲不逞數人檢冊按戶
剔浮冒出隱漏監放錢粟吏不能奸民大悅

銅陵縣志

施濟字泉門原名梓誥青陽拔貢任湖南澧州州判捐賑水災
署新田知縣蝗不入境道光二十九年李沅發圍城濟率勇擊
卻之生擒逆酋加同知銜補零陵知縣開塾課士輿誦翕然

青陽縣志

桂超萬字丹盟貴池人非經濟之書不讀非忠孝之事不言由
舉人任穎上英山教諭定騎月法晦朔連課士多便之生童緣
事罷考剴諭之悅服就試道光癸巳成進士用直隸知縣親老
改江蘇過丹陽訶知糧船滋事告縣預防事乃定署陽湖雪丹
徒貞婦趙王氏冤以防盜事宜上書大吏十五年補荆溪父憂

歸起補直隸欒城除盜賊懲訟師濬浹河金水河城河通溝洫
平道塗教民種樹均徭役修書院立義學創硃問墨供法製更
鋪傳籤牌化導鄉民毋習邪教有飛蟲食蝗之異署豐潤清積
案二百餘起勸辦鄉團募漁戶教習打鴨鎗防黑沿子澗河兩
海口親王僧格林沁按閱以豐潤團練爲各海口第一優獎之
後粵匪林開芳等竄天津知縣謝子澄以打鴨鎗破之用超萬
遺法也歷經保薦洊升揚州府知府身率儉約胥吏無衣帛教
廠營兵毋博婦女毋遊觀修學勸農訟至立決民歌頌之有重
見包公語調蘇州府署蘇松糧道請定均戶新章革包漕浮收
需索諸弊拏辦昭文縣聚眾重案解散黨與經理得宜歲稔請
毋徵全漕升福建汀漳龍道作何苦來歌以化械鬪勸營縣和
衷軍民相衛以勤捕息爭病歸超萬歷官謁廟必焚疏白誓不

欺心不枉法果踐斯言同治元年福建巡撫徐宗幹疏稱超萬敦樸誠篤實心愛民歷任道府州縣所至皆有政聲臣本籍江蘇至今民切去思前兩廣督臣林則徐在江蘇巡撫任內稱爲循吏現年逾七旬精力強健所議鄉團條規簡要周密皆可施行非徒託空言者比請畱閩協辦團防奉

旨允准二年署福建糧儲道尋署按察使鉏豪雪冤劾貪舉廉鞫獄常至日昃盛暑不倦以勞卒官年八十是年總督左宗棠巡撫徐宗幹以超萬潔己勤民循聲卓著奏奉

諭旨國史館編入循吏傳六年祀福建名宦祠所著有惇裕堂文養浩

齋詩宦游紀略

史館鈔傳
吳廷棟謄誌

徐宗幹撰稿
貴池縣志

章朝偉字遲峯銅陵人道光十一年官湖北通城知縣先是歲饑本年麥又不登米貴且斷市朝偉出官廩穀萬餘石貸民秋

成穀賤如數以償又重建學宮及明倫堂尊經閣文昌宮以工

代賑

銅陵縣志

宋應文字簡菴銅陵進士江西零都知縣歷署南城南豐清江

萬安廣昌等縣道光十四年廣昌饑運糴不及發粟接濟捐廉

賑粥全活多人

銅陵縣志

葉桂棻字小山青陽人道光甲辰進士歷任山西翼城鄉甯曲

沃沁水陽曲知縣潔己奉公所在稱治沁水鹽石聚眾多方開

導全活甚多升解州知州擒匪犯河干督勇擊退之擢潞安府

帶勇防捻積勞卒

青陽縣志

張大觀字愚谷銅陵人道光乙巳進士江西新昌知縣廉謹聰

察雪冤理滯聽斷如神捐廉課士精製水器以禦火災民利賴

之

銅陵縣志

章禮筠字少青銅陵人道光閒官甘肅金縣三次請豁虛糧得

准奏免擢肅州直隸知州

銅陵縣志

張觀福字蔭宇建德人廣西左州吏目咸豐二年監賑龍英州

卽畱署州同會股匪雷長鼃等陷永康帶勇馳救之三年散賑

憑祥州卽畱署州判帶勇剿崇善縣馱盧股匪事平卽署馱盧

巡檢五年廣西太平府陷帶勇馳援旋報肅清保以府經縣丞

直隸州州判升用六年署崇縣知縣卒官

建德縣志

曹藍田字璞山銅陵舉人幼時刲股療母疾咸豐三年大挑教

職時粵賊犯境集族人保衛鄉里上書當事陳戰守策又請江

忠源聯江鄂諸軍下攻安慶以紓廬州之急書未達而廬陷七

年任穎上教諭捻匪襲得結粵賊合圍穎上援絕城危藍田激

勵士庶同知縣固守六十九日圍解加五品銜選用知縣聞繼

母訃哀慟一日而卒著有史論芻蕘末議經義集解大學古本直解及古文若干卷同治五年奉

旨祀鄉賢祠

銅陵縣志方宗誠柏堂文集

重修安徽通志卷一百九十三

人物志

宦績十六

太平府

晉薛兼字令長丹陽人綜之孫瑩之子也少與紀瞻閔鴻顧榮賀循齊名號五雋初入洛張華見之曰皆南金也察孝廉辟公府歷太子洗馬東海王越引爲參軍遷祭酒賜爵安陽亭侯元帝爲安東將軍以爲軍諮祭酒進爵安陽鄉侯拜丹陽太守中興建遷尙書領太子少傅明帝卽位加散騎常侍以東宮時師傅尤加禮焉卒贈光祿大夫開府儀同三司

晉書本傳

張闔字敬緒丹陽人昭之曾孫也少孤有志操薛兼進之於元帝引爲安東參軍甚加禮遇以母憂去職帝强起之及帝爲晉

王以佐翼勲賜爵丹陽縣侯遷侍中帝踐阼出補晉陵內史在郡甚有威惠時所部四縣並旱闔立曲阿新塘溉田八百餘頃每歲豐稔以擅興造免官公卿爲言闔益國而反被黜帝感悟以爲大司農元帝崩爲大匠卿營建平陵遷尙書蘇峻之亂闔與王導俱入宮侍衛峻使闔持節權督東軍王導潛與闔謀密宣太后詔於三吳令速起義軍陶侃等至假闔節與陶同共督丹陽義軍以討峻峻平加散騎常侍賜爵宜陽伯遷廷尉以疾解職拜金紫光祿大夫卒

晉書本傳

陶汪丹陽人咸康中宣城內史有幹略招隱逸廣學舍士民嚮學者並辟爲掾吏百姓歌之曰人當勤學得主簿誰使爲之陶

明府

輿地紀勝
舊志南
國府名宦
新移

齊劉係宗丹陽人爲宋竟陵王誕子景粹侍書誕舉兵廣陵城

內皆坐死特赦係宗以爲東宮侍書封始興南亭侯帶秣陵令
齊高帝廢蒼梧使寫敕令書疏事皆稱旨永明初爲右軍將軍
淮南太守時討白賊唐寓之亂隨軍慰勞百姓被驅迫者悉無
所問上欲修白下城難於動役係宗啟謫役在東人丁城之後
車駕履行甚爲嘉悅後爲宣城太守武帝嘗云學士輩不堪經
國經國一到係宗足矣沈約王融數百人於事何用卒於官

南史

碑本

唐關大舉當塗人祖父世皆顯仕大舉以宏道元年刺宣州垂

拱四年改刺相州其在宣州時徐敬業舉兵大舉率州兵擊敗

之封丹陽侯

唐僧靈應宣州刺史關府君德政碑

宋鄒維字仲逸當塗人大中祥符乙卯進士初調泰州司理參

軍治獄有能名知南豐縣籍郡邑豪猾者徙之改新都以廉幹

聞既去百姓生爲立祠除知雅州貴戚王蒙正侵民田無敢直其事者詔維治之奪田還民調常州鉤索煽訟者十餘流之宿奸畏避除淮南提刑所部墨吏望風解去遷度支郎中卒弟經縉相繼登進士第經知永泰縣司馬光知諫院以謹以立身敏以從政薦之

萬姓統譜
江南通志

羅彥輔字經世當塗人嘉祐己亥進士調南城尉移江都令有袖金贈者婉辭卻之改知湖口縣僚吏有告彥輔受酒息於郡者守劉述卽以付吏或疑事小宜置之述曰羅湖口廉吏也不窮究終身被誣矣果得其誣反坐之調溧陽歲祲道殣相望亟請發粟賑之後知池州池居沮洳城善頌彥輔固石爲隄水患以息歲旱善舉荒政奏課第一

歲旱以下舊志池州府名
常戒

其子曰我以清白遺汝縱饘粥不繼不可少屈人以姑溪水比

之後過溪上者歎曰羅公何在溪水如故相與躊躇不忍去

萬姓

統譜江南通志

石禹勤字力臣蕪湖人元祐丙辰進士令靖安伐妖木祛淫祀郡守唐介薦其能通判辰州時章惇經畫南北江議者以南江蠻易剿禹勤獨請招徠北江皆相率聽命遷知建州轉運使奏其鹽課捕盜爲一郡最移撫州爲提舉曾孝廉所陷卒於獄庭

堅所作墓表

李樸字與幾富塗人宣和辛丑進士以易學名紹興閒通判徽州營卒爲變樸直前諭之眾素敬樸曰官吏培克故至此惟公哀憐之時已猝太守於庭以樸言得不殺遷監察御史忤秦檜出知信州樸善占候知郡將有變預爲備俄貴溪賊起卽遣將分擊俘賊首以歸檜忌罷職復知饒州著易說

一統志

元李敘字彥倫當塗人家貧寄食於友友家火遺一篋敘持而還之官江甯教諭新廟學置祭器嚴講課調建康書院山長及代餘粟千石一無所私遷平江學正秩滿歸

一統志

明陶安字主敬當塗人太祖渡江至太平安迎謁因進曰海內鼎沸豪傑並爭然其意在子女玉帛非有撥亂救民安天下心明公神武不殺應天順人天下不足定也又言取金陵撫形勝以臨四方帝善之畱參幕府從克建康命知黃州移饒州陳友定來攻安嬰城固守援兵至寇敗去諸將欲屠鄉民之從賊者安不可太祖賜詩褒美州立生祠祀之吳元年初置翰林院召爲學士徵諸儒議禮命爲總裁官刪定律令洪武元年命知制誥兼修國史拜江西行省參政卒於官疾劇草上時務十二事帝親爲文以祭追封姑孰郡公

明史本傳

陶本字培之當塗人師事族兄安以博治聞舉經明行修帝親御樓試治安策本援筆數千言皆切當稱旨擢工部主事廉靖敦愼克舉其職授四川行省理問卒於官

萬姓統譜

喻仲衡字平甫當塗人元江南財賦提舉汝政之子師事陶安洪武中以賢良薦授台州知府值旱荒春農乏種仲衡散官廩分給既而秋成民食既給如約納輸尤盡心於學校時大拓都城役未竣令諸臣運甓助工以清愼免者數人仲衡與焉卒於

官未竟其用時論惜之

萬姓統譜江南通志

蘇從善字晉卿當塗人洪武初爲長興州知州廉介警敏善於治理時州治新倡內屯重戍外抗強敵闢田野集戶口休養生息民懷其德

萬姓統譜浙江通志

潘廷堅字叔聞當塗人太祖駐太平以陶安薦徵廷堅爲帥府

教授慎密謙約爲太祖所稱擢中書省博士同知金華府事時上游諸郡次第平定擇儒臣撫綏之以廷堅與王愷守浙東吳元年召爲翰林侍讀學士而庭堅已老遂告歸洪武四年復召主會試子黼字章甫有文名初授太平府教授歷官至江西按察使會修律令畱爲議律官書成卒黼謹飭類父而文采清雅過之父子皆以鄉校顯時以爲榮

明史范常傳

詹俊字用章當塗人洪武四年徵授磁州同知時兵革初定民復舊業俊勞來安集勸農桑興學校舉賢能教養備至鄰縣蝗爲文告天蝗不入境歲旱作歌自責雨隨至升汝甯府通判以疾歸民登舟挽畱涕泣不忍別

一統志直隸名宦萬姓統譜

劉允字子允當塗人洪武辛亥進士授懷慶通判以直見忤謫瑞安縣丞興學勸農均徭理訟超拜北平按察司副使考績畱

教授親王於內以老歸卒允博學侃侃善持論每召對多稱旨

一統志
萬姓統譜

梁觀字大用當塗人洪武中以貢擢吏科給事中遷四川僉事

調廣東分巡潮州廉介剛果決獄如神久旱禱雨立應有盜聚

山中衛將欲剿之觀曰此貪民耳馳檄諭之皆解散潮人德之

比歿爲肖像祀之昌黎祠

一統志廣
東名宦

嚴昇繁昌人洪武中任順慶同知清租賦平徭役民得無擾川

通志

新增

呂明當塗人洪武初知南康府時兵戈甫息民多散亡招撫流

移躬行四野以督農桑聽斷不事刑威惟以理論民無梗者

一統

志江西
名宦

周原字彥廣繁昌人洪武乙丑進士授辰州府推官調吉安署

郡事以廉平爲治訟無滯獄負允積歲者一訊卽立釋之坐累免以薦起知蒲臺縣有商被盜疑其主人已誣服原覺其冤緩其獄果得眞盜飛蝗入境禱於神一日大風雨蝗盡死歲大稔

歷升磁州同知

一統志山東名宦太平府志

杜谷珍繁昌人洪武初知萍鄉縣兵革之後招撫流亡百姓安之未幾卒於官

一統志江西名宦

嚴恕字景用蕪湖人洪武中知寶慶府郡方採辦官木沈於水力不能致恕詣其所祭告木皆浮出歷臨江岳州皆有政聲

湖南

通志

杜智字仲才蕪湖人太學生洪武中知隨州以催科考殿例當遣廷臣疏其治狀詔乘傳復任擢北平知府以請難轉餉功升

陝西布政使歷南京右都御史

一統志湖北名宦

湯頑蕪湖人由太學生知曲江縣永樂中改甯海縣先是民坐方孝孺事株連又值海漲洶洶不安有夜聞城隍語者曰若要民安待湯知縣後四年果湯來眾情歡悅及去民爲立碑

江南通志

太平府志

胡湜字景濂蕪湖人由太學生知鄱縣有虎傷人湜告於神虎立斃歷吏科給事中廉直敢言出爲廣東僉事值內侍監市舶多不法湜密奏有旨逮治內侍懼遂自殺自是無敢驕恣者

湖南通志

江南通志

嚴升字仲升繁昌人建文庚辰進士知青神縣公勤有守百姓愛之歷官大理寺右少卿清軍蘇松執法不撓調南京僉都御史剛果自信嘗著神羊賦以見志焉

明史顧佐傳

汪俊民繁昌人建文庚辰進士授御史永樂初出按廣東撫黎

人之叛遷刑科給事中有聲諫垣

江南通志

楊豫當塗人由袁州衛鎮撫升雷州衛指揮僉事性嚴毅不受私謁築城壘督屯田軍士附之征瀧水賊擒斬李敬宗餘級甚多永樂三年備倭海道飭舟師防禦嚴密賊不敢至四年從征交趾累立奇功中流矢而歿策命旌之

廣西通志新會

李衡字秉鈞當塗人永樂甲申進士選庶吉士改戶部員外郎以廉介勤慎爲尙書夏原吉所任升湖廣參政撫綏有方蠻獠帖服擢兵部侍郎數日卒衡老成端重而剴繁治劇時莫與比

一統志

彭禮字時序當塗人永樂甲申進士選庶吉士改戶部員外郎吏才敏練銳於任事在部十餘年每堂官缺帝輒命禮攝之財賦出納悉有條貫卒於官

江南通志

謝孚字以誠當塗人永樂丙戌進士授御史潮州百家畬騷擾屬邑命孚與都指揮趙德往平之孚先行招諭不順者徵軍剿捕一方晏然升福建按察副使調陝西所在有仁明聲中貴奉使過陝官吏多望塵伏謁孚獨長揖不屈致仕歸

萬姓統譜江南通志

胡選當塗人永樂中知常甯縣潔己愛民擢知江甯府士民歌

思之

湖南通志

郭智字懋明蕪湖人永樂辛丑進士宣德中官御史巡歷廬鳳等處甚有聲升右僉都御史整飭甯夏邊務軍民懾服歷總督兩廣軍務遠近畏威懷德以事去官粵民銜恩遮道攀轅不絕

江南通志

戴謙字光甫當塗舉人歷知益都縣擢御史巡按湖廣風裁凜

凜發奸摘伏如神

太平府志

范甯字仲甯本滁州人以祖常賜宅在太平遂爲當塗人與修
永樂大典擢御史發奸摘伏人以爲神歷官尙寶司丞每燕閒
入侍左右帝以其開國文臣後甚寵遇之

太平府志

徐觀字大賓當塗人永樂乙未會試副榜歷刑科給事中糾劾
無所顧避奉命檢封番舶巡視邊郵所至有聲正統初擢雲南
按察司僉事雪冤獄別貪廉一以平恕施以預平麓川功升副
使餘孽未靖相視要害築城堡濬溝池招集流移墾荒通道邊

患永息

江南通志

謝騫字鵬舉當塗人孚之子也正統戊辰進士以御史督鹽課
於浙風紀大振有衆宰子弟怙勢私販悉置之法處州盜起以
計擒其酋散其黨一方遂安遷知漳州府月港海倉民多貨番
爲盜騫隨地編甲以聯屬其人戶約五日一赴府點校其違式

船隻皆拆毀惟五六丈者烙以官印使出海採捕朝出暮歸由是盜息民安考績爲八郡最轉保定知府升山東參政致仕歸

一統志福建名宦 浙
江通志 太平府志

張讓字孟謙當塗人正統乙丑進士歷吏科都給事中其所彈擊皆大政事之不可已者未嘗吹毛求疵博一時之名人無不

服其量以疾歸

太平府志

李統繁昌人景泰中以歲貢知唐縣清正安靜唐民以佛呼之

秩滿詣闕請畱詔復任三載

繁昌縣志

吳琛字與璧繁昌人景泰辛未進士授御史犒軍甘肅巡按四

川所至黜奸貪雪冤滯天順初以劾石亨驕恣忤旨謫知遷安

縣五日天變雨雹命還臺職擢僉都御史巡撫甘肅入覲值淮

揚海饑奉命往賑移撫湖廣采僉事郁文博議登新甯石城並

請置巡檢司於寶甯要害以資彈壓邊境賴之進右副都御史

總督兩廣猛獍駭服投誠聽命卒於官賜祭葬

一統志
湖南通志

鍾城

選舉表
作城

當塗人景泰甲戌進士歷官大理寺正明允著聲

門舍蕭然擢福建僉事領提學道士經品題多爲令器

福建
通志

黃讓字用遜蕪湖人景泰甲戌進士授御史因天變與同官倪

敬抗疏請釋鍾同章綸於獄又言造龍舟作燕室營繕日增嬉

游不少非所以養聖躬謫營山典史轉安岳知縣多善政升中

府都事以撻錦衣衛吏爲門達所譖戍廣西赦還復冠帶致仕

貧甚課耕自給卒年七十九

明史倪
敬傳

楊璧字應奎當塗人景泰甲戌進士授戶科給事中天順改元

以建言謫外尋復職後爲陝西參議改守平涼鑿延安河溉田

七十餘頃

一統
志

戴旭字敬熙蕪湖人天順中官武岡同知猺獞雜處兼有藩邸

軍衛素稱難治旭以廉敏著能聲移署靖州以艱去士民攀泣

數十里起調許州卒於官藉同官賻始克成斂

湖南通志
江南通志

萬宣字邦達當塗舉人授陳州知州剛果有爲約束胥吏無敢

鴟張羅織病民者時境內多盜宣廉得之悉置於法四境晏然

立四社學選州之俊秀者教之部使者上其績賜詔旌異進階

奉直大夫

一統志河
南名宦

端宏字仲順當塗人天順丁丑進士授御史巡視通州東昌等

處德威兼濟盜息民安巡按雲南河南廣西咸有風裁谿洞蠻

獠時出剽掠宏選將練兵豐餉設險爲攻守永遠計諸酋望風

而降升陝西副使歷浙江左布政使致仕歸

太平
府志

李蕙字德馨當塗人成化己丑進士授刑科給事中歷江西參

政南贛盜起廣設方略擒其渠魁餘黨悉平南昌大水入城浸及官廩眾環視莫救蕙亟命預放軍士月糧遂紛紜蟻聚不終日廩空擢右都御史總督糧儲頻有建白漕規整肅

江南通志

汪宗禮繁昌人成化戊戌進士授御史有直聲宏治中以言事左遷壽昌知縣抑強扶弱舉頽起廢吏治一新

浙江通志

孫廣字仲宏當塗人其先從淮南徙廣與從弟瑜俱與修永樂大典除工部主事轉郎中調刑部每爲人求生道不得竟日不食以勞成疾擢知開封府未行而卒瑜除戶部主事轉郎中改

永州同知卒

太平府志

夏祚字天錫當塗人成化戊戌進士擢兵科都給事中劾本兵馬文升侵科權治河甘肅歷江西右布政以艱歸襖被附舟而下至大通同官遣人齎祚項下例銀八百兩至祚出舟撻其人

而還之一舟始驚遂徒步歸起補福建左布政有巡方以墨聞面數之旋乞致仕閉門謝客併日而食卒遺一金帶乃銅爲之

江南通志

汪宗器字鼎夫繁昌人宗禮弟也成化甲辰進士授行人擢御史出按楚粵薦賢斥貪風裁大著升南大理少卿莅獄平恕時劉瑾撓法動多掣肘遂決志以母老乞終養疏五上允之特進光祿卿致仕

一統志

李贊字惟誠蕪湖人父永以貢司訓諸暨縣卒於官邑紳士祀之學宮贊登成化甲辰進士授吏部主事掌文選考功精詳端慎爲冢宰王恕所知改兵部郎時民地併入勢家而牧馬獨計丁口贊句稽有法盡復民業累升浙江布政浙俗侈靡贊教之敦本崇儉歲饑蠲逋發倉拊問存恤會劉瑾籍故錢都御史家

贊憐其無辜爲調護之瑾銜之勒令致仕老穉乞畱不得畱其

一履以志愛焉

一統志
浙江通志

李貢字惟正贊之弟與兄同登進士授戶部主事轉刑部郎中
決岐府久滯之獄清山東隱匿之田累擢右都御史巡撫遼東
總兵官毛倫挾逆瑾勢暴橫貢裁抑之忤瑾意勒令致仕瑾誅
起貢巡撫順天時受瑾虐者多起爲盜貢獲其魁斬之賊遂解
散增修通州城築古北口邊垣以扼寇升兵部右侍郎卒贈南

工部尙書

萬姓統譜
江南通志

楊諫字信夫當塗舉人授青州同知興利除弊不懼權勢通省
訟獄多委審訊無不稱當升南戶部主事民立生祠祀之椎淮
安稅關政肅清商賈稱便旋致仕歸子金嘉靖戊戌進士授刑
部主事歷福建副使所至有聲

太平
府志

張瓚當塗人成化閒以監察御史知介休縣愛民禮士不畏強

禦政聲丕著

山西通志

門時中當塗人以賢良舉知崇仁縣兵革之餘閭閻凋瘵招徠撫綏民漸甦息又造黃洲橋興學校立綱陳紀邑治更新

江西通志

增新

陳清字原渭蕪湖舉人歷知荆門州尋知武定州所在有聲宸濠之變設備嚴密旋引年歸至今人呼爲陳清官云

太平府志

胡燿字仲光蕪湖人宏治癸丑進士選庶吉士改戶部主事丁巳以災異求言抗疏言中官李廣楊鵬引左道劉良輔輩惑亂聖聰濫設齋醮耗蠹國儲而不肖士大夫昏暮乞憐其門陰盛陽微災何由弭因極陳戚畹方士傳奉冗員之害疏畱中未幾

廣死故燿得無罪

明史本傳

祝鑾字鳴和當塗人正德戊辰進士授禮部主事歷郎中武宗欲南巡鑾偕舒芬等百有七人抗疏切諫忤旨跪闕下五日廷杖三十上尋悔悟詔奪俸亦不復出後升廣西參政督學四川

江南通志

喻智字子貞當塗人正德甲戌進士授南工部主事司榷許墅肅吏惠商陋規盡革歷湖廣按察使斷楚藩元凶英耀獄擢副都御史巡撫南贛宸濠餘黨踞箐穴結蠻獠爲患智開誠布信受撫者萬計秩滿歸嚴嵩使者過縣橫甚智執而撻之且諭之曰歸語而主撻爾者喻都堂也

一統志

端廷赦字世恩當塗人宏之孫也正德庚辰進士知高安縣造錦水橋以利涉擢御史首劾武定侯郭勛驕橫貴戚斂手避之巡茶馬於西陲劾去貪墨者數人按兩浙風采益著屢升僉都

御史巡撫山東河南升戶部右侍郎轉南左都御史有大俠善
結納要路侵害客商擒治之以正典刑錢法濫惡出令禁治中
外凜凜一統志

楊東字啟明當塗人其先有名銘者永樂閒御史以忠直稱東
成嘉靖癸未進士授行人擢御史巡視廢牧清查龍驤二衛盡
釐侵冒宿弊巡鹽河東清豪占鹹池積年逋課悉完建書院延
河東呂柟以教士河東彬彬向學巡按雲南多雪疑獄滇稱神
明土官爭襲仇殺撫臣欲調兵進剿東傳檄諭之止罪首惡事
遂定江南通志
太平府志

倪嵩字中卿當塗人嘉靖己丑進士授太常博士釐奉常典禮
爲總覽一書擢御史出按貴州黔省鄉試附滇路險且遠以嵩
疏設關分試遷大理丞歷戶部侍郎時曾銑議復河套夏言主

之爲嚴嵩所怒詔逮言下獄嵩爭甚力調南右都御史諷使更
名嵩曰命名自父何可易後廷推吏部尙書嚴嵩厲聲曰廟堂
可使有兩嵩耶嵩卽日乞休歸

一統志

邢埴字汝器當塗人珣仲子也以舉人知浦城縣浦有大豪徐
應揚者假以進鰓魚置金於內埴皎卻之廉得其不法數事立
斃之獄一邑震懼遂大治投効歸邑人勒石志德少師張孚敬
爲相招之不往

太平府志

邢址字汝立埴之弟嘉靖壬辰進士授刑部主事擢御史帝有
眞御史之目詔磨勘兩廣諸司帑金不清之弊弊清而謗騰出
爲保定知府卻例金賙寒士肅吏胥時有權相蒼頭至保定恣
睢威嚇址杖而遣之遷邵武守擢山東運使致仕歸

太平府志

徐貢元

湖北志作徐元貞

字孔賜繁昌人嘉靖辛丑進士由刑部郎出

知德安府嚴毅仁恕下車輒令曰農民力不能耕者告守爲備

耕具遷立學宮歲荒卽募流民築河隄民得活而水無患累遷

至南戶部侍郎總督倉儲歷官十三任清白無疵

一統志湖北名宦

王鈞字仲明蕪湖人以貢知魯山縣俗鮮知禮親喪作樂極力
禁止邑患馬政鈞請於朝節省之豪民兼弁者置之法以艱歸

士民攀轅泣路

太平府志

周易字時伯蕪湖人嘉靖癸丑進士授兵部主事擢御史疏救

吳彥條論邊務詞皆侃直督學北畿執政以私牘投焚之於門

官終布政司參議

一統志

孫濟遠字合溪當塗人嘉靖乙丑進士授饒州推官讞決如神

擢御史出按貴州四川治尙威嚴有巨憝負罪密賄所役鳩之

江南通志
太平府志

梅淳字凝初當塗人隆慶辛未進士知縉雲縣擢御史多所糾彈因忤張居正遷岳州知府升濟甯道河決韓莊疏築有功授雲南布政清理宿弊羨十萬金悉歸公帑時開珠池商人例獻樣珠峻卻之

江南通志

王懋字德孺蕪湖舉人授湖州府同知定武康民變均徭薄賦調彰德攝衛輝府事裁革陳州富民支應升刑部員外郎恤刑畿輔爰書十餘上活囚四百餘人卒於官陳州立祠祀之

一統志

魯崇賢字幼齋蕪湖舉人授開州學正升龍游知縣俗奢而好鬪崇賢治尙廉明發奸摘伏其風丕變縣產瑞瓜士民爭爲令頌崇賢謂古循吏非此貴也卻之以報歸

太平府志

謝裴當塗人父惇以選貢攝德安篆愛民如子後家居德安士民問安不絕裴成萬厯甲戌進士授刑部主事歷浙江按察使

分憲嶺南平糶賑荒練兵清獄多有善政致仕歸父子俱年過

八十

太平府志

陳一簡字上敬繁昌人萬曆癸未進士授戶部主事歷郎中理密雲餉搜剔積弊殆盡擢昌平僉事橫嶺近九陵奸弁妄議開採一簡力爭乃止大瑞張經以非法殺人手疏劾奏抵經罪遷

河南副使卒於官

一統志

吳一驥字純所蕪湖舉人知耒陽縣革浮耗清積弊縣產錫苦供億請於撫按罷之大旱虔禱甘霖立沛遷湖州同知湖多盜皆倚勢家爲窟穴一驥窮治伏法盜遂絕時柄臣有悍僕辱尉尉不敢訴驥執而笞之擢戶部郎監淮安稅關政肅清致仕歸

耒陽祀之名宦

湖南通志
江南通志

俞審字萃畝蕪湖舉人知橫州峒蠻强悍審使儒士爲化蠻生

常誘導之遂馴服州人爲建祠立石調澧州澧苦水患鳩工築
文梁隄至今賴之俗尙巫鬼爲作孝弟忠信禮義廉恥八行圖
解以勸導之民俗一變

江南通志
太平府志

崔涪字震水蕪湖人萬厯辛丑進士授行人遷銓曹兩掌選政
謝絕請屬人多服其清介

江南通志

楊成喬字維嶽當塗人萬厯辛丑進士知新興縣敏於聽斷民
素苦郵傳之役特取公帑給驛費中使採權橫索無厭畏成喬
清正不敢犯擢戶部主事轉職方郎籌畫邊務悉中機宜以所
策多不行遂告歸值丁艱以毀卒

江南通志

曹行健號東璧當塗人以貢歷辰溪知縣縣古五溪地巨酋張
大忠爲患單騎入其穴撫之大忠聽命靖沅暴漲建瓴而下因
山治壁當江一面得無患邑有蝗災祝之卽去升雷州同知轉

德藩長史致仕

太平府志

祝可仕字孟型當塗人萬厯庚戌進士授工部主事權潞河轉戶部司通儲通庾侵漁甚眾盡剔其弊歲清羨十六萬簿獻司農帝大悅手書清廉無滓果教有爲八字獎之擢福建參議課士詰戎平反冤獄紅夷內訌爲撫畫策一炬殲之遷廣西驛傳道便道歸里無疾而卒閩祠祀之

江南舊志
太平府志

葛綱字振寔蕪湖舉人秉鐸和州教育有法天啟時爲國子監丞魏璫竊柄黨附者倡議立祠並配享太學綱白祭酒力沮之後遷刑部主事

江南通志

曹燮吉字根遂當塗人萬厯丙辰進士授戶部主事以僉事提學河南入爲光祿少卿忌者以遷出不次爲嫌卽日投劾歸其在戶部典新泰海運二倉剔積弊餘米蕩七千石白之司農置

廩儲用在河南黃河隄潰默禱於天爲民請命水立殺二尺隨

并力築之得無患

江南通志

張時暘字又若當塗建陽衛人萬厯丙辰進士知嵯縣有周氏子橫於鄉鈐制長吏時暘廉得其狀置之法調臨海他邑兵譁挺身往諭解之妖民金錫以左道惑眾入其籍者甚眾時暘立斃錫而焚其籍擢禮部主事累升兵備道地衝而瘠撫以寬大

境內晏然

江南通志

李一公字闇生繁昌人萬厯庚戌進士授行人遷比部詔獄多所全活出知成都府集流亡訓士卒繕城池收圖籍晉西川副

使擢山東參政致仕

繁昌縣志

楊芝瑞字仲芳成喬子也以舉人知慶元縣至卽登陴崇版築復上下原隰相其要立六隘甫定而賊來攻芝瑞選丁壯搃於

隘斬獲數百乃退慶便聞省而額屬於浙力請當事從其議額

不缺而民困蘇升武定知州未行卒

江南通志
太平府志

岑維嶽字允靈當塗舉人知甯都縣御吏有法撫民有恩閩寇

至率眾登陴力禦卻之貧民有鬻妻者妻不肯行維嶽捐俸贖

之一邑頌德

太平府志

沈希韶字鳳來蕪湖人天啟壬戌進士知新昌縣有能聲擢御

史糾劾不避權貴諷言中之轉九江僉事爲御史時出按上江

沿江苛征蕪湖爲甚希韶盡革其弊里人建坊頌德

江南通志

關引之字颺縣當塗人崇禎戊辰進士授汝州知州州城圯土

賊來寇且築且守賊不敢逼升戶部員外郎晉禮部郎中擢福

建巡按海盜鄭芝龍初受節制所餽多奇珍堅卻不受芝龍畏

服島嶼餘孽未靖檄芝龍討平之事聞賜鯨海安瀾四字旌之

卒於官

太平府志

彭慶圖字伯龍當塗建陽衛人崇禎甲戌進士知海甯縣立意愛民而不能隨時俛仰調大田升刑部主事卹刑湖廣多所平反旋以舊事罷歸

太平府志

湯一統字惟一蕪湖舉人知新城縣又補光澤皆有惠政升保定同知父老各齋錢泣送數十里一統嘉其意爲各擇數錢受之民建祠以祀

太平府志

湯一湛字允熙一統從弟天啟乙丑進士歷營繕司主事轉職方員外郎車駕司郎中出爲順德府知府郡值畿南衝繁難治一湛嚴氣正性不畏強禦吏民畏服

太平府志

國朝楊世學字爾台當塗人父芝瑞卒於慶元官所建詠歸橋工未竣衰經葺役成父志始扶櫬歸慶元人更名曰楊公橋世

學成順治丁亥進士由評事擢御史疏請嚴採買杜騷擾部議
允行又請濬淮河下流諸州縣海口使多途入海河患自息時
論薏之出爲武昌分守道招撫山賊鄭鴻等十三砦升浙江驛
鹽副使晉衡永參政所至皆以清操聞

一統志
江南通志

徐明弼字子諧蕪湖人順治丁亥進士知馬邑縣會姜逆煽亂
懷印衝賊壘赴

大兵陳方略事平復抗身爲百姓伸理邑得安全升戶部主事兩

權關務商賈蒙恩升陝西提學僉事所錄多知名士

太平府志

姚宸中字寔邱繁昌貢生順治十年任福建光澤知縣邑罹兵

燹之後民多負逋宸中力請緩征以蘇民困復簡訟獄寬徭役

民氣以蘇

福建通志
新脩

汪可準蕪湖人順治壬辰進士任永州府推官涖事明銳獄無

冤滯入為中書舍人湖南通志

閔燮繁昌人順治中知安化縣縣當亂後盜賊充斥燮多方撫

綏荏苒不警湖南通志

徐爾臣字調明富塗人順治己丑進士知鄱縣地介豫閩素為

盜藪爾臣始至披荆棘招流亡戶口稍增方籌兵料餉為剿賊

計以勞瘁卒官邑人悲之湖南通志

韋一鶴字羽山蕪湖人順治壬辰進士知麗水縣邑多崇岡伏

莽一鶴戢盜拊民四境安堵江南通志

方錫字禹符繁昌副貢知清流縣清流多饒裕之族錫廉潔自

砥纖芥無染晝行田野夜巡坊市摘發奸隱身不憚勞遷沂州

守未赴卒所存惟敝衣一笥圖書數卷福建通志江南通志

楊錫汝字保極當塗拔貢知孝豐縣捐資建學振興人文行篋

單以便徵輸築溪壩以時蓄洩三值旱祈雨輒應士民頌德

太平

志

韋嗣賢字廣菴蕪湖人順治乙未進士授撫州推官明敏寬仁案無留牘攝篆宜黃豪蠹斂迹酌定條編十有三則上之督撫民困大蘇擢吏部主事歷考功郎中曾有藉權要覬得上考者抗不從拂衣歸宜黃祀之名宦子聖翊以拔貢知泰甯縣海氛初靖招集流亡嚴立保伍歲歉設法賑濟民得安居以艱歸起補汧陽地當孔道軍興旁午糧運不絕聖翊盡力營辦無稍差忒以事罷歸

一統志
太平府志

丁宗閔字再鸞富塗人康熙己未進士知祿豐縣地遭逆藩之亂土荒民逃借帑買牛給種勸耕流民復業又設義學捐膏火人文漸盛攝祿勸諭降土酋之抗令者又攝安甯州鹽井水淡

不能成鹽為文虔禱井水復舊以艱歸卒士民肖像立祠

雲南通志

夏瑜當塗舉人官桐城教諭試士無閒寒暑篝燈點竄至廢眠

食以疾卒官易簣之頃戶外屐滿皆相嚮而哭師長如瑜者蓋

不多見云

安慶府志

陶延中字棟生蕪湖人康熙戊戌進士知興縣鋤豪強均徭役

崇學校課農桑剖決公明苞苴無敢入以艱歸起補清源縣清

源距興六百里民間其至相攜迎於路者不絕

太平府志

李世翰字季屏當塗歲貢任太和教諭兵燹之後營宮鞠為茂

草世翰鬻產鼎建委賑舊縣等集米少人多借縣倉存畱給散

捐資補還民有因貧鬻妻者為贖還之後補霍山振興士習培

植善類人文興起卒於官霍人祀之名宦

太平府志

汪虬字雲聲繁昌人康熙庚戌進士知峽江縣時吳逆披猖

大兵討之營峽江虬運籌肆應動合機宜邑李氏聚族而居仇家
中之誣以黨奸虬抗爭以閭家保其無他李氏千人得全祀之
家廟調桃源升主事未赴卒

太平府志

鮑薦字金源繁昌人康熙己未進士知開平縣地廣而荒撫御
多方遂成樂土邑虎尾溪多虎患爲文以告溪神虎屏迹士庶
勒碑頌德易名龍尾溪酌劑鹽陞民商稱便升主事以病免

太平府志

府志

魏壽期字朋三繁昌人康熙乙丑進士知南鄭縣歲饑捐金設
賑擢御史慎刑折獄知無不言劇盜於都門殺人劫掠廉知渠
首事干旗員乃繕奏以聞盡寘之法卒於官囊橐蕭然

太平府志

郝煜字仲知繁昌人康熙時以薦辟參廣西戎政滇逆猖獗奉

委行營招降六千餘眾授柳州府判署府事調赴軍前督餉剿

雲南有功以勞成疾乞假歸卒

太平府志

甘超字遠公蕪湖舉人任亳州學正新學宮葺學舍置祭器請營譙陽書院文風丕振兩攝州篆俗好勇鬪狠導以慈良民有負逋鬻妻者爲贖之又有雷正乾者母病篤鬻子買棺亦爲贖之并合藥療其母後復助其斂葬卒於官正乾送其櫬歸遂不忍去

太平府志

張世勳字賜百蕪湖人以貢入成均薦充會典纂修議敘知鄆縣先是世勳募西秦歷甯夏固原凡堡砦扼塞河渠疏引可爲民利瞭如指掌及抵鄆復參詳聚落形勢捐俸擴秦渡鎮門垣鎮人勒石以頌郊西澇河石橋當往來孔道慮其圯後倍費先事修葺秋果淫霖崩決倍常橋鞏固獨全創新義學延名師嚴程課多所成就以疾卒官

太平府志

俞亮臣字期武蕪湖人以貢知英德縣俗因壻貧多易盟不爲怪亮臣導以明義或解俸爲之畢禮俗爲一變設隄以弭水災至今爲利貧民逋負爲捐俸代完至豪強則盡法以懲升府同知民攀轅涕泣以爲慈父去我祀之名宦

太平府志

矣騫字益存常塗歲貢

朝考第一授國子監丞以薦知惠州府崇文教釐祀典備樂器寘

韓昌黎祠祭田署兩廣鹽法道疏濬引恤商裕課後補韶州調

廣州府三典大郡爲政公廉剖冤釋滯擢山東按察使

太平府志

韋聖揆字左瞻蕪湖人以貢知荻城縣調務波地瘴多苗向遙

攝之聖揆親蒞縣治相立官廨誠心御下苗民漸孚升澤州牧

多善政以艱歸起補遼州雨雹傷稼申請蠲賑民免菜色再補

全州除陋規興學校治行益醕旋致仕歸

太平府志

鄧世杰字亮臣蕪湖人雍正癸卯進士授禮部主事陪送蘇祿國使臣至閩閩例舊有贐贈辭不受典己酉黔試提調庚戌會聞矢公矢慎屏絕苞苴公卿閒稱才優學練者必曰儀部鄧君以疾卒

太平府志

奚源字溯崙當塗人雍正丁未進士授刑部主事歷郎中案牘駁正未嘗傳會五爲鄉會同考出知大名懲貪獎廉黜吏遠跡尤崇學校寅義學鹽規詳請充公典息不許過重以病歸入邑立祠祀之

太平府志

吳本涵當塗人雍正十一年知太康縣撫良除暴爲政嚴明奸棍蠹胥一時斂跡康邑素不諳蠶桑捐俸買小桑諭民種植教以養蠶之法創設書院捐俸爲膏火資

一統志河南名宦

晉德慧字維詰當塗拔貢知上虞縣調仙居田分官民寺三則

寺賦較重德慧籲請均減照田六折徵收歷任丈量未清履畝
清勘不數月而事畢縣東白水溪創建樂安橋民免病涉致仕

歸太平府志

張照龍字霖蒼當塗人以貢爲宣城訓導正己厲士造就有方
歲歉委賑不遺不濫胥吏不敢爲奸時有父母先生之號以病

歸宣士遮道遠送太平府志

李基裕字貽曾當塗歲貢爲鳳陽府學訓導實心課士署懷遠
篆有惠政鳳值水災委赴汴省採買二麥以備賑濟積勞成疾

卒於道太平府志

韋前謨字儀哲蕪湖人父聖功以歲貢知新鄭縣時噶爾丹逞
逆西塞用兵新鄭當陝通衢供繕絡繹聖功事皆豫辦民獲安
枕前謨亦以廩貢司訓泗州泗自康熙十八年大水沒爲澤國

糧已盡免雍正五年有新淤涸出二案吏胥上下其手又立潼安衛追徵民困無訴嗣奉准據實丈量上憲以前謨在涸久命密議條陳前謨具籌丈量曲折陳請報涸未涸有糧無地及衛應裁各事宜以聞涸得減賦七千餘兩衛亦奉裁利賴甚眾後歷任金壇溧陽告歸卒

太平府志

汪鑑字子澄蕪湖拔貢任霍邱教諭捐俸修學宮貧士膏火多藉資贈至鬻產以助不給時謂人爲貧而仕鑑獨以仕而貧非

過語也

太平府志

繆孔昭字省夫蕪湖人喜任事西陲用兵呈請領運官解米赴查罕叟兒軍前往返數萬里投汜水知縣調河工會中牟水決卽委署中牟篆河督檄調人夫五千兼管物料又檄工員各任工一段孔昭自任決口工竣調蘭陽蘭亦濱河數罹水患民多

拋產避累孔昭以十條繕稟河督檄行州縣如法修備由是河隄鞏固招集流亡給牛種使復業申請豁免濱河地額未報引疾制府察其意具題得免糧五百餘頃升潁州知州歷禹州許州所至皆有實政歷升河南按察使雪滯獄獲寬典者數百人終鴻臚寺正卿

太平府志

蔡錫祺字吉孫繁昌人以貢知孟縣徒步之任刑名錢穀悉皆獨裁訟者面卽剖決地界當勘者羸馬隨一老隸攜糗糧往刻弓式析算之不假吏胥權大吏入境民患驛騷自往充役咸相戒疾驅過嘗值蠲賦他邑有仍徵羨耗激變者錫祺請往輯之至則委曲諭眾請停其未徵者其已徵者准代來年正賦略懲首事數人而定晉兵部主事送者傾城立石頌德擢御史引年

歸

太平府志

洪瀛字十洲繁昌舉人官潁上教諭倡興古學問業者數百人
判所牒事必斷以義不苟徇令意居民愛敬如父母卒於官櫬
歸途哭巷祭者越境始止仍祀之文昌祠太平府志

李元字惕齋當塗人乾隆乙丑進士十三年任福建漳浦知縣
民陳琴殺人已弋獲顧乏的證詢屍妻知有錢囊可證搜琴身
囊果在焉妻泣曰此夫出門時老婦所手綻也獄遂定又有兄
弟爭產者元庭訊語之曰兄弟而及此令失教之咎也宜罪令
卽出其直償之兩人咸愧謝相讓而退福建通志
新增

夏慎言字行遠當塗人乾隆初以舉人知漳平縣旋貳溫州府
以廉幹聞公暇日與郡士人講藝華蓋山師事甚眾當塗縣志

庾伯龍字騰飛當塗人乾隆閒以舉人知來鳳縣興利除弊歷
知安陸鄖西南漳數縣德威並濟吏民悅服在南漳日振興文

教建書院於鳳凰山爲邑士講論弗懈後卒於官漳士懷之就

鳳凰山側立祠祀焉

當塗縣志
以上舊志

魯沂字溫卿當塗拔貢嘉慶中江蘇知縣署邳州知州捐修書院增助膏火廉得武生李某賄匿斃妻論如律補鎮洋縣嚴防海盜蔡牽商民安堵罷官歸卒後其子椿過邳邳人追念舊德贈句云公子貧能隨分過先人名不與官休

當塗縣志
以下新修

黃鉞字左田當塗人家於蕪湖乾隆庚戌進士授主事簽分戶部時和珅管部務鉞告歸嘉慶四年

仁宗睿皇帝親政以安徽巡撫朱珪薦

召見養心殿

諭曰朕在藩邸卽知汝汝因何告假鉞據實陳奏奉

命懋勤殿行走由主事改擢贊善直

南書房未補缺

特旨與考試差嗣是典湖北山東順天鄉試任山西山東學政密摺奏
事由贊善游擢至禮部尙書

賜紫禁城騎馬肩輿入直二十五年放會試正考官榜首陳繼昌以三
元及第時稱盛事秋隨扈灤陽

仁宗睿皇帝龍馭上賓

行在喪儀禮部無例案可循皆鉞悉心擬奏

宣宗命加太子少保銜在軍機大臣上行走調戶部尙書鉞敬其所事
實力匡襄京察議敘道光三年

錫宴玉瀾堂繪像鉞爲十五老臣之一

御製詩褒之云豈獨文章禁省冠一德密勿惟幾康四年

仁宗睿皇帝聖德神功碑恭代書成拜蟒服大緞之

賜五年乞休

溫旨慰留六年屢申前請情詞肫切

予告回蕪湖在家支食半俸瀕行暨十八年兩次

恩賞復枝

諭曰知卿不假葆苓之力聊申眷念卿其善自靜攝二十一年卒於蕪
湖年九十二初鉞幼喪父母鞠於外家乾隆中以廩貢挑勝錄
議敘吏目兩次

召試二等年四十一始爲部員數月卽歸掌教皖南北書院者十載其
後不次超擢屢司文枋蒙

仁宗批諭云汝本寒士因石君薦拔遂至於此能法石君先生人品學
業必能永沐朕恩鉞感激圖報矢勤矢慎

丙廷宣力二十有七年克盡厥職故能渥荷

兩朝恩眷不徒以工書善畫見長嘉慶道光年閒兩次

賜第內城三次太醫視疾妻喪軍機章京郎中趙元祿齋

硃諭賜慰切勿過有哀傷七十八十九生日疊蒙

御書福壽扁聯壽佛如意朝珠珍玩文綺用迓福祉又蒙

恩諭伊子禮部小京官黃富民加恩作爲該部主事俾聞之益增慶慰

又前在戶部右侍郎任內以錢局爐頭增復料錢部議降二級
奉

旨調任禮部右侍郎明年卽轉補戶部左侍郎後以戶部任內失察假

照降爲三品頂戴明年蒙

賞還一品頂戴皆

異數也遺疏奏聞

宣宗成皇帝悼惜有學問優長持躬端謹密勿宣勤之

諭晉贈太子太保銜入祀賢良祠照尙書例賜卹原任內一切處分悉

予開復

予謚勤敏史館立傳

諭賜祭葬碑文葬當塗南褐山下先是道光辛卯安徽濱臨江淮州縣水災鉞首捐千金助賑癸巳復水捐百金助賑乙未蕪湖旃饑倡建豐備倉儲穀千石倉旁造鄉塾月課生童鄉人德之及是請入祀當塗蕪湖兩縣鄉賢祠奉

旨允准著有壹齋集四十卷二十四畫品一卷

當塗縣志年譜

朱襄字雲溪蕪湖人嘉慶庚辰進士授編修督學河南選拔真才培植寒畯時論美之道光十三年正月

派往河南差遣委用洊擢兵部右侍郎總督東河卓有成績在工事無

鉅細必身親之積勞卒官著有祿堂文集

蕪湖縣志總河近事考

張寶榮字耀西當塗廩生官湖北光化知縣捐修老河口大路
調署沔陽州修築河隄并捐建月隄以弭水患議敘加知府銜
補武黃同知仍督沔陽隄工積勞卒沔陽人祠祀之

當塗縣志

朱汝璜字渭卿當塗舉人先以拔貢選海門廳訓導海門自設
學無鄉捷者汝璜勤月課造士有方科名日盛遇水災委查戶
口周密無遺在任十餘載卒官著有師山詩文集

當塗縣志

黃中民字嘯琴當塗尙書鉞次子由諸生膳錄議敘授草堰場
大使撫商神竈捐賑水災興復正心書院道光三十年祀興化

三賢祠

當塗縣志
蘇興化縣志

江